

KONVENCIJA O ZABRANI RAZVOJA, PROIZVODNJE, GOMILANJA I UPOTREBE HEMIJSKOG ORUŽJA (CWC)

Hemijsko oružje predstavljaju: a.) **otrovne hemikalije i njihovi prekursori**, osim kada je riječ o namjeni u svrhe koje nisu zabranjene Konvencijom o zabrani razvoja, proizvodnje, gomilanja i upotrebe hemijskog naoružanja (CWC) i sve dok su vrste i količine u skladu sa takvim svrhama; b.) **municija i sredstva specijalno napravljena da uzrokuju smrt ili druge štete putem otrovnih svojstava hemikalija**, koja bi se oslobodila kao rezultat primjene takve municije ili sredstava; c.) **svaka oprema** posebno napravljena za direktnu upotrebu u vezi sa primjenom navedene municije i sredstava.

1. PROPISI

- [Zakon o implementaciji konvencije o zabrani razvoja, proizvodnje, gomilanja i upotrebe hemijskog oružja i o njegovom uništavanju](#) ("Službeni glasnik BiH", broj 15/06)

2. ZAKON O IMPLEMENTACIJI KONVENCIJE O ZABRANI RAZVOJA, PROIZVODNJE, GOMILANJA I UPOTREBE HEMIJSKOG ORUŽJA I O NJEGOVOU UNIŠTAVANJU

Ovaj Zakon definiše obaveze, zabrane i ograničenja koja se tiču hemikalija u Bosni i Hercegovini, prema Konvenciji o zabrani razvoja, proizvodnje, gomilanja i upotrebe hemijskog oružja i njegovom uništavanju.

Sastavni dio ovog Zakona je i [Aneks o hemikalijama](#).

Liste 1, 2 i 3 iz Aneksa o hemikalijama su liste otrovnih hemikalija i njihovih prekursora.

Za **izvoz, uvoz i tranzit** hemikalija sadržanih u Aneksu o hemikalijama potrebno je pribaviti dozvolu Ministarstva spoljne trgovine i ekonomskih odnosa BiH.

Hemikalije sa **Liste 1** se ne mogu proizvoditi, nabavljati, posjedovati, prenositi ili koristiti, osim ako se koriste za istraživačke, medicinske, farmaceutske ili zaštitne svrhe i ako su vrsta i količina hemikalija strogo ograničene na one koje mogu biti korištene za takve svrhe, što je definisano ovim Zakonom.

Proizvodnja, obrada i potrošnja hemikalija sa **Liste 2** može se obavljati samo u svrhe koje nisu zabranjene ovim Zakonom i u količinama koje su propisane.

Proizvodnja, obrada i potrošnja hemikalija sa **Liste 3** može se obavljati samo za svrhe koje nisu zabranjene ovim Zakonom i u količinama koje su propisane.

Dozvola Ministarstva spoljne trgovine i ekonomskih odnosa BiH neće biti potrebna za proizvodnju, obradu ili potrošnju smjesa hemikalija koje sadrže 30% ili manje hemikalija sa Liste 2B ili Liste 3, Aneksa o hemikalijama.

Nadzor nad uvozom, izvozom i tranzitom hemikalija sadržanih u Aneksu o hemikalijama, vrši Uprava za indirektno oporezivanje BiH i Ministarstvo bezbjednosti BiH, u saradnji sa entitetskim ministarstvima unutrašnjih poslova i Policijom Brčko Distrikta BiH. Nadzor takođe, vrši Ministarstvo civilnih poslova BiH, u saradnji sa entitetskim inspektorima zdravlja i inspektorima zdravlja Brčko Distrikta BiH. Sve navedene institucije i organi djeluju u okviru svoje nadležnosti, uz obavezu međusobne saradnje.

U cilju lakše identifikacije opasnih hemikalija moguće je koristiti [Handbook on Chemicals Database](#), koja olakšava pretragu hemikalija prema CAS broju, nazivu i tarifnim oznakama.

3. NADLEŽNOST CARINE

Uprava za indirektno oporezivanje BiH prihvata prijavu za uvoz, izvoz ili tranzit hemikalija iz Aneksa o hemikalijama samo onda kada deklarant prezentuje dozvolu Ministarstva spoljne trgovine i ekonomskih odnosa BiH.

Uprava za indirektno oporezivanje BiH je dužna bez odlaganja obavijestiti Ministarstvo spoljne trgovine i ekonomskih odnosa BiH, ako tokom vršenja poslova iz svoje nadležnosti otkrije da je učinjena povreda ovog Zakona ili odredbi Konvencije.

U slučaju otkrivanja pokušaja uvoza, izvoza ili tranzita, hemikalija iz Aneksa o hemikalijama bez izdate dozvole, hemikalije se privremeno oduzimaju, do okončanja odgovarajućeg postupka.

Ministarstvo spoljne trgovine i ekonomskih odnosa BiH posebnim uputstvom reguliše postupanje u ovim slučajevima.

4. KONTAKT

Za detaljnije informacije u vezi vanjskotrgovinskog prometa hemikalija iz Aneksa o hemikalijama možete se obratiti Glavnoj kancelariji UIO, Sektor za carine, Odsjek za zaštitu intelektualne svojine, zabrana i ograničenja.